


唐周罽賓國沙門佛陀波利奉詔譯



佛說長壽滅罪護諸童子陀羅尼經

罽賓國沙門佛陀波利奉詔譯



佛說長壽滅罪
護諸童子陀羅尼經

《南無本師釋迦牟尼佛》

佛尼牟迦釋師本無南



南無文殊師利菩薩

《南無文殊師利菩薩》



爐香讚

爐香乍爇

法界蒙薰

諸佛海會悉遙聞

隨處結祥雲

誠意方殷

諸佛現全身

南無香雲蓋菩薩摩訶薩

(三稱)

淨口業真言

唵

修利修利

摩訶修利

修修利

娑婆訶

淨身業真言

唵

唵

娑婆訶

娑婆訶

修多利

修多利

修多利

修多利

修摩利

修摩利

修摩利

修摩利

唵

唵

淨意業真言

淨意業真言

怛訶賀斛

怛訶賀斛

安土地真言

安土地真言

南無

南無

尾娑婆訶

尾娑婆訶

三滿多

三滿多

沒駄喃

沒駄喃

唵

唵

度嚕度嚕

度嚕度嚕

地

普供養真言

唵

誡

曩

三

婆

囉

伐

日

囉

斛

南無本師釋迦牟尼佛

(三稱)

開經偈

無上甚深微妙法

百千萬劫難遭遇

我今見聞得受持

願解如來真實義

佛說長壽滅罪護諸童子陀羅尼經

罽賓國沙門佛陀波利奉詔譯

如是我聞：一時，佛在王舍城耆闍崛山中，與大比丘眾千二百五十人俱，諸大菩薩萬二千人俱，及諸天龍八部鬼神人非人等，共會說法。

爾時，世尊於其面門，以佛神力放種種光

，其光五色——青黃赤白；一色之中有無量化佛，能作佛事不可思議，一一化佛有無量化菩薩讚頌佛德；其光微妙難可測量，上至非非想天，下至阿鼻地獄，徧布八萬，無不普照。其中眾生遇佛光者，自然念佛，皆得初地方便三昧。

爾時，眾中有新發意菩薩四十九人，各欲

從佛求長壽命，無能發問。時文殊師利菩薩知有所疑，從座而起、偏袒右肩、合掌向佛而白佛言：世尊！我見眾中有所疑者，今欲諮詢，唯願如來聽我所說。佛言：善哉善哉！文殊師利！汝有所疑，當恣汝問。文殊師利言：世尊！一切眾生於生死海造諸惡業，從劫至劫輪迴六道，縱得人

身，得短命報。云何令其得壽命長，滅諸惡業？唯願世尊說長壽法。佛言：文殊！汝大慈無量，愍念罪苦眾生，能問斯事，我若具說，一切眾生無能信受。文殊師利重白佛言：世尊！一切種智——天人之師，普覆眾生，是大慈父；一音演說，為大法王；唯願世尊哀愍廣說。佛便微笑普告大

眾：汝等諦聽！當為汝說。過去世時，有世
界名無垢清淨，其土有佛號「普光正見」
如來、應供、正徧知、明行足、善逝、世
間解、無上士、調御丈夫、天人師、佛、
世尊，為無量無邊菩薩大眾恭敬圍繞。其
佛法中，有一優婆夷名曰顛倒，聞佛出世
求欲出家，悲號啼哭白彼佛言：世尊！我

有惡業求欲懺悔，唯願世尊聽我具說。我
於昔時身懷胎孕足滿八月，為家法故不貪
兒息，遂服毒藥殺子傷胎，唯生死兒人形
具足。曾聞智人來謂我言：若固傷胎，此
人現世得重病報壽命短薄，墮阿鼻獄受大
苦惱。我今惟忖生大悲懼，唯願世尊以慈
悲力為我說法，聽我出家令免斯苦。

爾時，普光正見如來告顛倒言：世間有五種，懺悔難滅，何等為五？一者殺父，二者殺母，三者殺胎，四者出佛身血，五者破和合僧，如此惡業，罪難消滅。爾時，顛倒女人啼號哽咽悲泣雨淚，五體投地跪轉佛前而白佛言：世尊大慈救護一切，唯願世尊憐愍說法。普光正見如來而重告言

汝此惡業當墮阿鼻地獄無有休息；熱地
獄中暫遇寒風，罪人暫熱；無間地獄無有是處，上
熱風，罪人暫寒；寒地獄中暫遇
火徹下，下火徹上，四面鐵牆上安鐵網，
東西四門有猛業火。若有一个人身亦徧獄，
身長八萬由旬，若眾多人亦皆徧滿。罪人
徧身有大鐵蛇，其毒苦痛甚於猛火；或從

口入，從眼耳出，周匝纏身從劫至劫，罪人肢節常出猛火。復有鐵鴉啄食其肉，或有銅狗咬齧其身，牛頭獄卒手執兵具，發大惡聲如雷霹靂。汝固殺胎，當受此苦，我若妄說，不名為佛。爾時，顛倒女人聞佛說已，悲咽蹙地，漸得蘇息，重白佛言：世尊！唯我一人受斯苦痛，為復一切眾

生皆受此苦？

普光如來告顛倒言：汝子在胎，人形具足

， 在生熟二藏，猶如地獄，兩石壓身。母

若熱食如熱地獄，母餐冷食如冷地獄，終

日苦痛在無明中。汝更惡心固服毒藥，汝

此惡業自墮阿鼻，地獄罪人是汝儔侶。

倒女人悲號重白：我聞智者說如是言——若

造諸惡，值佛及僧，懺悔即滅。設所命終入諸地獄，造小福者還得生天。」於意云何？願為我說。

普光正見如來告顛倒言：若有眾生造諸重罪，遇佛及僧，至誠懺悔，不復更作，罪得消滅。設所命終，閻摩羅法王推問未定，亡者生存六親眷屬請佛迎僧，七日之內

轉讀大乘方等經典、燒香散花。當有冥使檢覆善惡，持五色神旛來至王所，其旛前後歌詠讚歎，出微妙聲柔和善順，報閻王言：此人積善。或多亡者七日之內信邪倒見，不信佛法大乘經典、無慈孝心、無慈悲心，當有冥使持一黑旛，其旛前後有無量惡鬼，報閻王言：此人積惡。爾時，閻

羅法王見五色旛至，心大歡喜高聲唱言：
願我罪身亦同汝善。當此之時諸地獄中變
為清泉，刀山劍樹如蓮華生，一切罪人咸
受快樂。若見黑旛，閻王瞋怒惡聲震裂，
則將罪人付十八獄，或上劍樹，或刀山中
，或臥鐵牀，或抱銅柱、牛犁拔舌、碓擣
，一
磑磨，一日之中萬死萬生；乃至展轉墮阿

鼻獄受大苦痛，從劫至劫無有休息。所言

未訖，爾時空中有大惡聲喚言顛倒女人：

汝固殺胎，受短命報，我是鬼使，故來追

汝。顛倒女人驚愕悲泣，抱如來足：唯願

世尊為我廣說諸佛法藏滅罪因緣，死當願

畢。

爾時，普光正見如來以佛威力報鬼使言：

無常殺鬼，我今現欲為顛倒女說長壽命滅罪經，且待須臾，自當有證。汝當諦聽！
我當為汝依過去千佛說諸佛祕法長壽命經，令遣汝等遠離惡道。顛倒當知！此無常殺鬼，情求難脫，縱有無量百千金、銀、琉璃、碑碟、赤珠、瑪瑙而將贖命，無能得免。縱使國王王子、大臣長者恃其勢力

，無常鬼至，斷其寶命，無一能免。顛倒當知！唯佛一字能免斯苦。顛倒！世有二人甚為希有，如優曇花難可值遇！一者不行惡法，二者有罪即能懺悔，如是之人甚為希有。汝能至心於我懺悔，我當為汝說長壽經，令汝得免無常鬼苦。顛倒當知！未來世中五濁亂時，若有眾生造諸重罪，

殺父害母、毒藥殺胎、破塔壞寺、出佛身
血、破和合僧，如是等罪五逆眾生，若能
受持此長壽經書寫讀誦，若自書、若遣人
書，猶尚罪滅得生梵天，何況汝今親得見
我。善哉顛倒！汝於無量曠劫種諸善根，
我今因汝善問慇懃懺悔，即得轉於無上法
輪，能度無邊生死大海，能與波旬共戰，

能摧波旬所立勝幢。汝當諦聽！我當依過
去諸佛說十二因緣法。
無明緣行，行緣識，識緣名色，名色緣六
入，六入緣觸，觸緣受，受緣愛，愛緣取
，取緣有，有緣生，生緣老死憂悲苦惱。
無明滅即行滅，行滅即識滅，識滅即名色
滅，名色滅即六入滅，六入滅即觸滅，觸

滅即受滅，受滅即愛滅，愛滅即取滅，取
滅即有滅，有滅即生滅，生滅即老死憂悲
苦惱滅。顛倒當知！一切眾生不能見於十
二因緣，是故輪轉生死苦趣。若有人見十
二因緣者即是見法，見法者即是見佛，見
佛者即是佛性。何以故？一切諸佛以此為
性。汝今得聞我說此十二因緣，汝今以得

佛性清淨，堪為法器，我當為汝說一實道，汝當思惟守護一念。一念者謂「菩提心」，菩提心者名曰大乘，諸佛菩薩為眾生故分別說三，汝當念念常懃守護是菩提心，勿令忘失。縱有五陰、四蛇、三毒、六賊、一切諸魔來所侵燒，終不能變是菩提心，因獲如是菩提心故，身如金剛，心如虛。

空，難可沮壞；因不壞故，即得阿耨多羅
三藐三菩提；因得阿耨多羅三藐三菩提故
，常樂我淨具足而有，即能遠離此無常殺
鬼、生老病死諸地獄苦。
佛於大眾中說是法時，虛空鬼使作如是言
：我聞世尊說是法要，地獄清淨為蓮華池
。我今現捨鬼境界。鬼復答言：顛倒！汝

得道時，願見濟度。

爾時，普光正見如來復告顛倒：我已為汝說十二因緣竟，更為汝說六波羅密，汝當受持。般若波羅密、禪波羅密、毗犧耶波羅密、羼提波羅密、尸波羅密、檀波羅密，此六波羅密，汝當受持。

復次為汝說過去諸佛成佛之偈，而說偈言：

諸行無常 是生滅法 生滅滅已 寂滅為樂
爾時，顛倒女人聞法歡喜，心豁明淨了了
而悟，以佛神力昇於虛空高七多羅樹，安
心靜坐。爾時，有一大姓婆羅門，家中巨
富無與等者，忽患重病，醫人瞻之，須人
眼睛合藥療愈。時大長者即令僮僕行於衢
路，高聲唱言：誰能忍痛賣雙眼睛，當與

千金庫藏珍寶，任意所須，終不憚惜。顛
倒女人聞此語已，心大歡喜而自念言：我
今從佛聞長壽經滅除惡業，心以了了悟諸
佛性，又得遠離無常殺鬼諸地獄苦，我當
碎身報佛慈恩。高聲唱言：我今年至四十
九歲，從佛聞法一名長壽經，今欲碎身，
不惜軀命寫長壽經四十九卷，欲令一切眾

生受持讀誦。我須賣眼將寫此經，我眼無
價，任汝與直。時天帝釋化作四十九人至
顛倒所，我願為汝書寫是經，令汝見已，
當任賣眼。時顛倒女慶幸無量，削骨為筆
，身肉支解，以血為墨，供給書人，於七
日中書寫經竟。諸人寫已，白顛倒言：向
來所許兩眼睛時，我等功畢，願付我等持

賣與婆羅門。爾時，顛倒即命旃陀羅者：
汝可為我剜出眼睛，當令四十九人分汝一
分。時旃陀羅依法欲剜，四十九人齊唱言
：希有希有！不可思議！此顛倒女削骨出
血，瘡穢能忍，不惜身命書寫此經。我等
云何而取眼睛！以慈悲心白顛倒女言：我等
等終不貪汝眼睛賣婆羅門，願汝得道，當

濟度我。唯願我等在在處處，當當來生，常得與汝同共一處作善知識，宣說是經救度一切罪苦眾生。

爾時難陀龍王等以大威力作諸幻術，盜顛倒經於龍宮中受持供養。時顛倒女於須臾頃忽不見經，流淚哽咽而白佛言：世尊！我所碎身寫長壽經，欲令流布一切眾生。

我今忽然不知所在，我心悶濁愁毒難忍。

普光如來告顛倒言：汝經是八部龍王請在龍宮受持供養，汝當歡喜不須愁惱。善哉

顛倒！汝當以此功德力故，盡此壽已，生

於無色界天受諸快樂，永不更作女人之身

。爾時，顛倒女人白佛言：世尊！我之所

願，不願生天，唯願生生世世常遇世尊，

佛心不退，在在處處常為一切罪苦眾生宣揚此法。

普光告言：汝應妄語。顛倒又言：我若妄語，願我依前無常鬼逼。我若實心，願我身瘡對佛除愈。於時顛倒以誓願力，平復如故。普光如來告顛倒言：汝一心念佛，從一佛國至一佛國，汝即能見無量無邊諸

佛世界文字語言，不可宣說。爾時，顛倒於須臾間得無生法忍三藐三菩提心。文殊當知！普光如來——我身是也，顛倒女人——汝身是也，四十九人——新發意菩薩是也。我於無量曠劫已來常以護身，常與汝等宣說此經，令一切眾生所有惡業，聞此長壽命經半偈於耳皆得消滅，今又更說。

爾時，波斯匿王於其夜分，在王宮中聞有女人高聲號哭，哀慟難忍悲不自勝，而自念言：我之深宮曾無是事，何故有是哀屈之聲？於晨朝時即敕所司往城衢路，尋求此女使奉王敕。尋得將來，其女驚愕悶絕王前，王以冷水而灑其面，漸漸得蘇，大王問言：昨夜啼哭，審是汝不？女人答言

：是
我悲耳。王曰：何故怨哭，誰之屈汝
？女人答言：我之所恨實無人屈，唯願大
王聽我所說。我年十四適於夫家，經三十
年生三十子，顏容殊妙，頭紺青色，脣赤
如朱、齒白如玉，身體盛愛如春中花。我
之戀惜猶如髓腦亦如肝腸，甚於性命。此
子長大不過一歲，於春夏時便棄我死。其

最後兒甚是我命，今現重困，命將欲終。
我昨夜號哭，因此悲耳。

爾時，大王聞此語已，深大愁惱，所有百
姓依因於我，若不救護非名國王。即集群
臣共相論議，王有六臣，一名見色，二名
聞聲，三名香足，四名辯才，五名隨緣，
六名易染，而白王言：童子初生，當作七

星二十八宿，神壇延命，方免斯苦。唯願
大王告敕天下。爾時有一智臣，曾於無量
佛所種諸善根，名曰定慧，前白大王：大
王當知！六臣所言非能免苦，今有大師，
字瞿曇氏，號悉達多，無師自悟，今得成
佛，在耆闍崛山說長壽經，唯願大王往彼
聽受。若聞此經半偈於耳，百劫千生所有

重罪無不消滅。一切童子聞經於耳雖未悟解，以經功德自然長壽。波斯匿言：我昔曾聞六師所言：瞿曇沙門學日淺薄，黃領小兒其年幼稚，六師經中妖祥幻化，瞿曇是也。若有崇者，多失正道。爾時，定慧以偈白王：

釋迦牟尼天人師 曾於無量劫苦行

種供養，至王舍城耆闍崛山中。除諸儀飾，遶佛七匝，合掌頂禮，散花供養，具以上事而白佛言。

爾時，世尊告波斯匿王：此女人者於過去世時身為後母，心生嫉妒，和合毒藥殺前妻兒三十之子。此子被殺，各發誓言：願我生生世世常作其子，便即分離，令其苦。

切，生大悲痛。時此女人，今來得聞我說

長壽命經一偈於耳，怨家債主從斯永絕。

爾時，世尊告諸大眾：童子受胎，魔王波

旬即放四大毒蛇、六塵惡賊止住其身，若

一不調，命根即斷。我有陀羅尼咒，善能

增益諸童子壽。若有患苦，聞我此咒一經

於耳，無不除差，能令惡鬼四散馳走，即

說咒曰：

波頭彌波

頭彌提婢

奚尼奚尼

奚彌

諸梨

諸羅諸麗

侯羅侯羅

由麗由羅

由麗波羅波麗聞

制瞋迭

頻迭般逝末

迭遲那迦梨蘇波訶

戶

佛

言：是陀羅尼咒文句

若善男子善女人

受持讀誦

，為一切受胎出胎病患童子之所

演說，七日七夜燒香散花，書寫供養至心聽受，所有重病前身業障皆得消滅。

爾時，醫王菩薩名曰耆婆，前白佛言：世尊！我為大醫，療治眾病，諸小童子有九種病，能短其命。何者為九？一者父母非時行於房室。二者初產令血穢地，地神不居，惡鬼得便。三者初產不去臍間諸小毒。

蟲。四者不以兜羅軟絲拭其胎中穢血。五
者殺生害命而為歡宴。六者其母食一切諸
雜冷果。七者童子有病，餒其雜肉。八者
初產子母未分，令諸不祥見產生處，未分
解者能令母死，已分解者令童子死。何謂
不祥？若有人眼見一切死屍及諸變怪，眼
不淨故名曰不祥。若以牛黃真珠光明砂蜜

末微塵定童子心，能免不祥。九者夜行被惡鬼打之。一切童子若能慎是九事，終不至死。

爾時，天魔波旬有他心智，在魔宮中知佛說此長壽滅罪護諸童子陀羅尼咒，心大忿怒，發大惡聲愁憂不樂。魔有三女，前白父王：未審大王何故愁惱？父王答言：瞿

曇沙門今在王舍大城耆闍崛山，為無量無
邊眾生說長壽經，流布一切眾生，得長壽
樂，侵我境界，我惡心起，我今欲將諸眷
屬等一切魔兵而往討之。縱使不能止得瞿
曇，我今威力止塞諸天及大眾耳，不令聞
佛說長壽經。時魔三女以偈諫父：

天魔波旬有三女 稽首前白父王言

瞿曇沙門天人師 非是魔力能禁止
昔日在於菩提樹初坐吉祥法座時
我等三女巧嬾妍 諸天女中為第一
百種姿態擬欲之 菩薩都無染著意
觀我三女如老姥 今成正覺菩提師
父王彎弓作恐怖 諸兵器仗布虛空
菩薩觀如童子戲 一無驚懼退敗心

今日道成為法王 唯願父王息惡意

爾時，魔王波旬聞女說偈，將諸眷屬私自平章：我當與汝同往佛所，善巧方便而逡巡之，詐受佛降，令佛信用。若得信者，當作種種一切魔事而障此經。即與眷屬同詣佛所，遶佛七匝而白佛言：世尊說法，無彼勞耶？我今將領諸魔眷屬來聽長壽命。

經，為佛弟子，唯願世尊不違我願。

爾時，世尊呵責魔王：汝在本宮心生忿怒，設得來此詐作逡巡，我之法中不容汝詐。時魔波旬羞媿交集，斂容無色而白佛言：世尊！是我愚計實行詐法，唯願世尊以大慈悲，恕我愆犯。我今得聞長壽經護諸童子陀羅尼咒，我發誓願：若後末世，有

受持此經書寫讀誦，所在之處我當擁護，無令惡鬼伺求其便。設使地獄若有罪人須臾之間憶念此經，我當以大神力取大海灌注罪人，令大地獄如蓮華池。爾時，復有飛騰羅刹、食童子羅刹等而為上首，與其同類諸眷屬等從空中下，遶佛千匝白佛言：世尊！我於無量劫來受羅刹

身，我之眷屬如恒河沙，各為飢餓之所逼
切，於四天下唯噉在胎及初生童子血肉。
我等眷屬伺候一切眾生，夫婦交會，食噉
其精，令無胎息。或在胎中，我亦隨入，
傷胎食血。初生七日，我等眷屬專伺其便，
其命根；乃至十歲，我等眷屬變作種種諸
惡毒蟲，入童子胎食其五臟所有精血，能

令小兒吐乳下痢，或疳或瘧，眼腫水腹，
乃至漸漸斷其命根。我等今聞世尊說長壽
滅罪護諸童子經，奉世尊敕，令我眷屬飢
餓所逼，不敢食噉。

佛告羅刹：汝等當受我之禁戒，令汝得捨
此羅刹身，生天受樂。

佛告大眾：若有童子受患苦者，令其慈母

分乳微塵與虛空中，施諸羅刹，并清淨受持此長壽命滅罪陀羅尼經，書寫讀誦，病則除差。時羅刹眾甚大歡喜而白佛言：審得生天，我等眷屬終不能侵諸童子乳，乍食鐵丸，終不能食諸童子血。於佛滅後，有能讀誦受持此經處者，設有惡人惱是法師，或有惡鬼惱諸童子，我等當執佛金剛

杵而衛護之，不令惡鬼而得其便。

爾時，一切諸天大王并其眷屬，一切龍王

、一切夜叉王、阿脩羅王、迦樓羅王、緊

那羅王、摩睺羅伽王、薜荔多王、毗舍遮

王、富單那王，乃至迦吒富單那等一切諸

王各并眷屬，禮拜於佛，同心合掌作如是

言：世尊！我等從今在在處處，若有比丘

、比丘尼，諸優婆塞、優婆夷，但有受持
此長壽經書寫處者，我等眷屬常當衛護，
我等諸王驅策惡鬼。若有惡鬼惱諸眾生令
患苦者，若能清淨書持是經，我等諸王禁
攝諸鬼，不令加害被橫死苦。爾時，牢固
地天從座而起，作如是言：世尊！若佛弟
子受持此長壽滅罪護諸童子陀羅尼經，

天常出地味滋潤彼人，令其身中增益壽命。我等常以種種金銀、種種資生、種種穀米，具足供給此信心人，令無乏少，身得安隱無有愁惱，心常歡喜得好福田，無令惡鬼斷其命根。若諸童子生一七日，我等地神當擁護之，無令斷命。

爾時，眾中金剛力士復白佛言：世尊！如

來說此長壽命滅罪護諸童子陀羅尼咒經已
，諸大檀越并眷屬眾，各各發心護持讀誦
書寫是經，供給所須無令乏少。我聞大德
婆伽婆說吉祥章句大神力咒，若眾生一聞
於耳，百劫千生終不短命，得壽無量，無
有病苦。雖有四魔，不能忤亂，增長壽命
，滿百二十，不老不死，不退不沒。一切

命云子若患重病，聞此咒者即免諸鬼之所奪

多地夜他

旃達利

旃達囉毗提

旃達

囉魔吽

旃達囉跋帝

旃達囉不梨

達囉闍移

旃達囉底嚟

旃達囉勿達黎

旃

突嚟

旃達囉婆囉吁

旃達囉

勿達黎

旃達囉婆地移

旃達囉婆囉吁

旃

旃達囉婆咩

旃

旃達囉婆

旃達囉婆囉吁

旃

旃達囉

旃

旃達囉

旃達囉底嚟

旃

旃達囉勿達黎

旃

旃

祇 旃達囉盧寄 數婆呵
佛言：善哉善哉！金剛力士！汝今能說此
護諸童子吉祥神咒，汝當為一切眾生之大
導師。文殊當知！如是神咒——過去諸佛之
所宣說建立守護，善能增長人天壽命，能
除一切罪垢惡見，能護一切持經之人延其
壽命。

爾時，世尊告文殊師利法王之子：我滅度後濁惡世時，若有比丘破我禁戒，親比丘盛，為諸白衣之所輕賤，毀滅我法經營世俗不淨之事，無慚愧心猶如木頭；當知此等是五逆人，非我弟子，是魔眷屬，名曰六師。此比丘等於現世中得短命報，比丘

尼等亦復如是，若能懺悔不更復作，受持此經即得長壽。復次文殊！我滅度後濁惡世時，若有菩薩誹謗他人，自讚其善，方等經典不傳付人，如是菩薩是魔伴侶，非真菩薩；若能至心受持此經書寫讀誦，即得諸佛不壞常身。

復次文殊！我滅度後濁惡世時，若有國王

殺父害母，誅斬六親，不依王法，廣興兵
甲侵討他國，忠諫之臣枉遭刑戮，姪欲熾
旱不調，因王無道，破塔壞寺，焚燒經像，水
如是國王現世短命，死入地獄墮大阿鼻；
若能書寫是經流通供養，至誠懺悔，依先
王法，即得長命。

復次文殊！我滅度後濁惡世時，若有大臣及諸官屬，身請天祿，無慚愧心，諂佞不忠，專行矯詐，賊臣危害，國土不安；設使臨人，不行國法，侵犯百姓，恣意貪殘，橫殺無辜，取他財寶，輕慢經典，魔障大乘，如是等人現世短命，墮阿鼻地獄無有出期；若能懺悔受持此經書寫讀誦，即

得長命永守天祿。

復次文殊！我滅度後濁惡世時，有優婆塞
及優婆夷信邪倒見，不信正法大乘經典，
如是眾生縱有無量百千金銀而懷慳惜，唯
求財利，不能布施救乏一切貧苦之者，不
能書寫十二部經受持讀誦，求免無常惡道
之苦。如是之人宅舍虛耗，竈下鳥現，蛇

入臥堂，狗忽上舍，鼠百種鳴，諸野禽獸競來入宅，百種魑魅，名之為怪；以見怪故，心得煩惱，因煩惱集，得獲短命；若能受持書寫是經流通讀誦，即能摧破如是等怪而得長命。

復次文殊！我滅度後濁惡世時，一切眾生男女成就，以憐愍故而得心病。何以故？

或男成長被充兵役，如是王法制不由己，
父母念之名為心病；或女成長配適他門而
被輕賤，違夫婦道，父母念之名為心病；
為心病故愁憂苦惱，愁惱病集現世短命。
若能書寫受持此經，得長壽命，以經力故
姻親和順，心病消除。

復次文殊！我滅度後濁惡世時，一切眾生

無慈悲心，殺生害命食噉一切眾生十種身
肉。文殊當知！如殺父母，如食六親，或
因殺命而復傷胎，為是事故現世短命；設
使夫婦交會之時，被惡羅刹食噉其胎，令
無子息。若能書寫受持是經，即免斯苦。
復次文殊！我滅度後濁惡世時，一切眾生
不知宿命，暫得人身謂為快樂，更相誹謗

或恃權豪，種種惡心規他性命，不信經典，我慢大乘，如是之人現世短命。若能至心懺悔調柔其心，書寫是經受持讀誦，以善根力得長壽命，設使病患，終不橫死。復次文殊！我滅度後濁惡世時，一切眾生或奉王敕，或父母教，而於他國及險道處，以商為業求諸珍寶，為財利故；我慢貢

高，圍棊六簿，擣捕投壺，親近姪女，交
惡知識，不用王敕及父母誠，嗜酒耽姪，
喪身殞命；設得財寶，為酒迷濁，不知道
路通塞之處，後被諸惡賊劫奪其財，因以
害命。若能書寫是經，廣發誓願，所在之
處，惡賊退散，生歡喜心，諸惡毒獸不能
燒害，身心安隱多獲寶貨，以經力故得長

是經，乃至七日，請佛迎僧清齋讀誦，以
是善根終無疾疫，無疾疫故得長壽命。
復次文殊！我滅度後濁惡世時，眾生薄福
，其劫欲盡，七日並照。設無七日，國王
無道，令天炎旱，大地所有藥木叢林，一
切百穀、甘蔗、花果將欲枯死。若有國王
一切眾生能受持讀誦此經典者，難陀龍王

及婆難陀龍王等憐愍眾生，從大海水降注
甘雨，一切叢林百穀草木滋榮眾生，以此
經力得長壽命。
復次文殊！我滅度後濁惡世時，一切眾生
斗秤欺誑不義得財，以其罪業死入地獄。
從地獄出，受畜生身，所謂牛、驢、象、
馬、豬、狗、羊等一切禽獸，昆蟲蟻蟎蟲蟻蟻。

若有菩薩摩訶薩以慈悲心於畜生等及蟲蟻
前，轉讀此經一聞於耳，此經力故隨類皆
解，此等畜生捨此身已，得生天樂。若有
菩薩無慈悲心，不能廣說此經典者，非佛
弟子，是魔伴侶。

復次文殊！我滅度後五濁世時，一切眾生
心生欺慢，不信經典，毀訾我法。若有說

法之處，無心聽學，以此罪業現世短命墮諸地獄。若有講說此長壽經處，一切眾生能往聽者，或能勸他分坐與坐，此人是佛棟梁，得長壽樂，不經惡道，轉此經法，清淨立壇，隨室大小。復次文殊！我滅度後，一切女人身懷胎娠，殺一切命，食諸鳥卵，為無慈愍心，現

世得短命報，臨生產難。以產難故能斷其命，或是怨家，非善知識。若能廣發誓願書寫是經，即令易產，無諸災障，子母安樂，須男須女隨願得生。

爾時，世尊告文殊師利菩薩：我今說此長壽滅罪十二因緣佛性經時，過去諸佛之所共說。若有眾生受持讀誦，多獲福利，盡

其壽命，滿百二十。臨捨化時，不被風刀
諸一切苦，以佛性故，得金剛不壞諸佛常
身，湛然清淨，念念堅固。常有菩薩，一
名觀世音，二名大勢至，乘五色雲，六牙
白象，持蓮花臺，迎念佛者生不動國，自
然快樂不經八難。文殊當知！愚癡眾生不
覺不知，壽命短薄，如石火光，如水上泡

，如電光出，云何於中不驚不懼？云何於
中廣貪財利？云何於中耽淫嗜酒？云何於
中生嫉妒心？如此生死流浪大海，唯有諸
佛菩薩能到彼岸，凡夫眾生定當淪沒。無
常殺鬼來無時節，縱有無量無邊金銀財寶
，情求贖命無有是處。眾生當知！須觀此
身而生念言：是身如四毒蛇，常為無量諸

蟲之所唼食。是身臭穢，貪欲獄縛。是身
可惡，猶如死狗。是身不淨，九孔常流。
是身如城，羅刹處內。是身不久，當為烏
鵠餓狗之所食噉。須捨穢身，求菩提心。
當觀此身捨命之時，白汗流出，兩手橫空
，楚痛難忍，命根盡時，一日、二日至
五日，膨脹青瘀，膿汗流出，父母妻子而

不喜見；乃至身骨散在於地，腳骨異處，
髑骨、齒骨、腰骨、肋骨、脊骨、頂骨、
觸體，各各異處；身肉腸胃，肝腎肺臟，
為諸蟲敷。云何於中橫生有我？生存之時
，金銀珍寶錢財庫藏，何關我事？若有眾
生須免此苦，當須不惜國城妻子頭目髓腦
，書寫是經，受持讀誦諸佛祕藏十二因緣

，流通供養，念念成就當得三藐三菩提心，難可沮壞，終不中夭被橫死逼。

佛於大眾中說此十二因緣佛性法時，一切

大會比丘、比丘尼、優婆塞、優婆夷、天

龍八部人非人等，波斯匿王并其眷屬，數如恆沙，皆得三藐三菩提心無生法忍，未曾有一心頂禮歡喜奉持。

佛說長壽滅罪護諸童子陀羅尼經

◎本經出自《正續藏經》第1卷 · 編號：一七
頁數：第三九四頁

補闕真言

擎 南無喝囉怛那 哆囉夜耶 佢囉佢囉
住俱住 摩囉摩囉 呀
吽 澈抹擎 娑婆訶 賀賀
圓滿補闕真言 虎囉吽 蘇怛俱

唵

呼嚧呼嚧

社曳穆契

莎訶

七佛滅罪真言

離婆離婆帝

求訶求訶帝

陀羅尼帝

尼

訶

囉帝

毗黎你帝

摩訶伽帝

真陵乾帝

娑婆訶

滅定業真言

唵

鉢

囉

末

隣

陀

寧

娑

婆

訶

三皈依

自皈依佛

當願眾生

體解大道

發無上心

自皈依法

當願眾生

深入經藏

智慧如海

自皈依僧

當願眾生

統理大眾

一切無礙

和南聖眾

願眾生

深入經藏

智慧如海

回向偈


願以此功德

普及於一切

我等與眾生

皆共成佛道

南無護法韋馱尊天菩薩



《南無護法韋馱尊天菩薩》

八五

回 向 喎

佛陀彌阿無南

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

佛說長壽滅罪護諸童子陀羅尼經

印贈者—香光淨宗學會

電話：（〇二）八五一—〇九五五

傳真：（〇二）八五一—〇九五三

地址：台北縣三重市中興北街 179 號 1 樓

網址：www.hsiangkuan.org

E-mail：hsiangkuan@sparqnet.net

淨空法師—淨空法師專集網站
影音網址

淨空法師專集簡體網站 <http://www.amtb.org.tw>

淨空法師英文網站 <http://www.chinkung.org>

排版承印—和裕出版社（〇六）二四五〇一三一七

中華民國九九年五月恭印貳仟本結緣
佛曆二五五四年

【歡迎翻印·功德無量·免費結緣·敬請愛護珍惜】

真誠 清淨 平等 正覺 慈悲

看破 放下 自在 隨緣 念佛



本會法寶 · 免費結緣 · 絶無託人募款義賣 · 敬請明察 · 愛護珍惜

Printed in Taiwan (This book is not to be sold.)
FOR FREE DISTRIBUTION